

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৬৫/২০১৭-১৮

ঢাকা, রোববার ০১ অক্টোবর ২০১৭, ১৬ আশ্বিন ১৪২৪

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে :

- ১। ধর্মীয় উগ্রবাদ প্রতিরোধে এগিয়ে আসুন
দুর্গাপূজা উপলক্ষে বঙ্গভবনে আয়োজিত সংবর্ধনায় রাষ্ট্রপতি
- ২। পদ্মায় দৃশ্যমান স্বপ্নের সেতু : প্রথম স্প্যান স্থাপন
- ৩। রোহিঙ্গাদের ফেরাতেই জোর দেবে বাংলাদেশ : মায়ানমারের মন্ত্রী আসছেন আজ
- ৪। শেখ হাসিনা প্রাচ্যের নতুন তারকা : খালিজ টাইমস
সুচি নন, সত্যিকার নেতৃী শেখ হাসিনা : নিউজউইকে নিবন্ধ
- ৫। জাতিসংঘে প্রধানমন্ত্রীর প্রস্তাবই রোহিঙ্গা সমস্যার একমাত্র সমাধান : কৃষিমন্ত্রী
- ৬। পাঁচ লাখ রোহিঙ্গাকে খাদ্য সহায়তা দেবে ডিলিউএফপি
- ৭। ৪৪ হাজার ৬৬১ শেডে ২ লাখ ৭০ হাজার রোহিঙ্গার আশ্রয়
প্রধানমন্ত্রীর কার্যালয়ে সমন্বয়সভা
- ৮। যুক্তরাষ্ট্র সফররত প্রধানমন্ত্রী ৭ অক্টোবর দেশে ফিরছেন : ওবায়দুল কাদের
- ৯। তৈরিপোশাকের দাম বাড়াতে হবে : ক্রেতাদের উদ্দেশে বাণিজ্যমন্ত্রী
- ১০। আজ পবিত্র আগুরা
- ১১। বিশ্ব প্রবীণ দিবস আজ

১। **ধর্মীয় উগ্রবাদ প্রতিরোধে এগিয়ে আসুন: দুর্গাপূজা উপলক্ষে বঙ্গভবনে আয়োজিত সংবর্ধনায় রাষ্ট্রপতি রাষ্ট্রপতি মো. আবদুল হামিদ ধর্মীয় উগ্রবাদ প্রতিরোধ এবং দুষ্ট ও অসহায় মানুষের পাশে এগিয়ে আসতে সবার প্রতি আহ্বান জানিয়েছেন। রাষ্ট্রপতি বলেন, বর্তমানে ধর্মীয় উগ্রবাদ বিশ্বশাস্ত্রের জন্য হমকি হয়ে দাঁড়িয়েছে। তিনি বলেন, মানবতাই ধর্মের শাশ্বত বাণী। কোনো ধর্মই সন্ত্রাস, জগিবাদ, উগ্রবাদ সমর্থন করে না। উগ্রবাদ অসহিষ্ণুতার জন্য দেয়, সামাজিক শৃঙ্খলার বিঘ্ন ঘটায়। হিন্দু সম্প্রদায়ের বৃহৎ ধর্মীয় উৎসব দুর্গাপূজা উপলক্ষে গতকাল (৩০ সেপ্টেম্বর শনিবার) বঙ্গভবনে আয়োজিত এক সংবর্ধনা অনুষ্ঠানে শুভেচ্ছা বিনিময়কালে রাষ্ট্রপতি এ আহ্বান জানান। সূত্র-সংবাদ (শেষ পৃ.,ক.৪), ডেইলি সান (শেষ পৃ.,ক.১), ডেইলি স্টার (পৃ.৩,ক.৮)।**

২। **পদ্মায় দৃশ্যমান স্পন্দের সেতু : প্রথম স্প্যান স্থাপন**

প্রথম স্প্যান বসানোর মধ্য দিয়ে বহুল প্রত্যাশিত পদ্মা সেতু এখন ক্রমদৃশ্যমান। গতকাল (৩০ সেপ্টেম্বর শনিবার) সকালে সেতুর জাজিরা প্রাপ্তে ৩৭ ও ৩৮ নম্বর খুঁটির ওপর ১৫০ মিটার দৈর্ঘ্যের প্রথম স্প্যানটি সফলভাবে বসানো হয়েছে। পর্যায়ক্রমে মোট ৪১টি স্প্যান বসানো হবে। সড়ক পরিবহণ ও সেতুমন্ত্রী ওবায়দুল কাদের উপস্থিত থেকে স্প্যান বসানোর কাজ তদারক করেন। সেতু ঘিরে মুপীগঞ্জের মাওয়া, মাদারীপুরের শিবচর ও শরীয়তপুরের জাজিরায়ও চলছে বিশাল কর্মজ্ঞ। এ কাজ দেখোর জন্য গতকাল মন্ত্রী ওবায়দুল কাদের ছাড়াও সেতু বিভাগের সিনিয়র সচিব খন্দকার আনোয়ারুল ইসলাম, প্রধান তথ্য অফিসার কামরুন নাহার ছাড়াও সেতু বিভাগ ও প্রকল্প সংশ্লিষ্ট সামরিক-বেসামরিক কর্মকর্তা এবং ঠিকাদারি প্রতিষ্ঠানের কর্মকর্তারা উপস্থিত ছিলেন। সূত্র-ইত্তেফাক, সংবাদ, প্রথম আলো, জনকর্ত, ডেইলি সান, অবজারভারসহ অধিকাংশ দৈনিক এ বিষয়ে লিড নিউজ ছেপেছে।

৩। **রোহিঙ্গাদের ফেরাতেই জোর দেবে বাংলাদেশ : মায়ানমারের মন্ত্রী আসছেন আজ**

মায়ানমার থেকে পালিয়ে আসা প্রায় ১০ লাখ রোহিঙ্গা মুসলিমকে ফিরিয়ে নেওয়া তথা এ ইস্যুতে আলোচনার জন্য মায়ানমারের স্টেট কাউন্সিলের অং সান সুচি'র দণ্ডের মন্ত্রী কিয়াও তিত্ত সুই দুই দিনের সফরে আজ (১ অক্টোবর রোববার) ঢাকায় আসছেন। আগামীকাল (২ অক্টোবর সোমবার) তিনি পররাষ্ট্রমন্ত্রী এ এইচ মাহমুদ আলীর সঙ্গে আনুষ্ঠানিক আলোচনা করবেন। মায়ানমারের মন্ত্রীর সঙ্গে আলোচনায় রাখাইন রাজ্যে দেশটির সেনাবাহিনীর জাতিগত নিধন অভিযানের মুখে পালিয়ে আশ্রয় নেওয়া রোহিঙ্গাদের ফিরে যেতে নিরাপদ ও উপযোগী পরিবেশ সৃষ্টি করা, সেখানে স্থিতিশীলতা ও শান্তি নিশ্চিত করা এবং সর্বোপরি রোহিঙ্গাদের প্রত্যাবাসন প্রক্রিয়ার ওপর জোর দেবে বাংলাদেশ। সূত্র-ইত্তেফাক (পৃ.১,ক.৮), জনকর্ত (পৃ.১,ক.১), ডেইলি স্টার (শেষ পৃ.,ক.৫), ইন্ডিপেন্ডেন্ট (পৃ.১,ক.১)।

৪। **শেখ হাসিনা প্রাচ্যের নতুন তারকা : খালিজ টাইমস**

সুচি নন, সত্যিকার নেতৃী শেখ হাসিনা : নিউজউইকে নিবন্ধ

সংযুক্ত আরব আমিরাতের (ইউএই) বহুল প্রচারিত দৈনিক খালিজ টাইমস রোহিঙ্গা সংক্ষেতের প্রতি মানবিক আবেদনের জন্য প্রধানমন্ত্রী শেখ হাসিনার উচ্ছ্বসিত প্রশংসা করে তাঁকে প্রাচ্যের নতুন তারকা হিসেবে অভিহিত করেছে। আমিরাতে ইংরেজি ভাষায় প্রকাশিত সর্বাধিক জনপ্রিয় পত্রিকা খালিজ টাইমসে প্রকাশিত কলামিস্ট অ্যালন জ্যাকবের লেখা এক নিবন্ধে রোহিঙ্গা ইস্যুতে প্রধানমন্ত্রী শেখ হাসিনাকে প্রাচ্যের নতুন তারকা হিসেব উল্লেখ করে বলা হয়, প্রতিবেশী দেশ মায়ানমার থেকে পালিয়ে আসা লাখ লাখ রোহিঙ্গার জীবন রক্ষায় সীমান্ত খুলে দিয়ে শেখ হাসিনা তাঁর যে সহমর্মিতা ও সমানুভূতি দেখিয়েছেন, সেজন্য এ সংগ্রহে তাঁর চেয়ে বড় কোনো হিরো দেখছি না।

অং সান সুচি নন, রোহিঙ্গা সংকটে 'সত্যিকারের নেতৃী' হিসেবে আবির্ভূত হয়েছেন বাংলাদেশের প্রধানমন্ত্রী শেখ হাসিনা। অনেক ধনী দেশে নেতাদের পেছনে ফেলেছেন তিনি। গতকাল (৩০ সেপ্টেম্বর শনিবার) নিউজউইক সাময়িকীতে প্রকাশিত এক নিবন্ধে এ কথা বলা হয়েছে। 'ফরগেট অং সান সুচি, দিস ইজ দ্য রিয়েল

হিরোইন অব দ্য রোহিঙ্গা ক্রাইসিস' শিরোনামে প্রকাশিত ওই নিবন্ধটি লিখেছেন গবেষণাসংস্থা আমেরিকান এন্টারপ্রাইজ ইনসিটিউটের ফেলো সদানন্দ দুমে। সূত্র-জনকর্ত্তা (পৃ.১,ক.২), সমকাল (পৃ.২,ক.১), যুগান্তর (পৃ.১,ক.১), ডেইলি সান (পৃ.১,ক.২), ইভিপেনডেন্ট (পৃ.১৫,ক.২), ফিনানশিয়াল এক্সপ্রেস (পৃ.২,ক.৭)।

৫। **জাতিসংঘের প্রধানমন্ত্রীর প্রস্তাবই রোহিঙ্গা সমস্যার একমাত্র সমাধান : কৃষিমন্ত্রী**

জাতিসংঘের সাধারণ অধিবেশনে প্রধানমন্ত্রী শেখ হাসিনার দেওয়া পাঁচ প্রস্তাব রোহিঙ্গাদের নিজ দেশে পাঠাতে পারে বলে মনে করেন কৃষিমন্ত্রী বেগম মতিয়া চৌধুরী। তিনি বলেছেন, এসব প্রস্তাবই রোহিঙ্গা সমস্যার একমাত্র সমাধান। প্রধানমন্ত্রীর দেওয়া প্রস্তাবে সম্মতি জানাতে তিনি সব দেশের নেতাদের প্রতি আহ্বান জানান। গতকাল (৩০ সেপ্টেম্বর শনিবার) কর্মবাজারের উদ্ধিয়ায় কুতুপালং রোহিঙ্গাশিবির পরিদর্শনশেষে তিনি এ আহ্বান জানান। সূত্র-ইত্তেফাক (পৃ.২,ক.৬), যুগান্তর (পৃ.২,ক.৮), ফিনানশিয়াল এক্সপ্রেস (পৃ.২,ক.১), নিউজ টুডে (পৃ.৩,ক.৫)।

৬। **পাঁচ লাখ রোহিঙ্গাকে খাদ্য সহায়তা দেবে ডিলিউএফপি**

বিশ্ব খাদ্য কর্মসূচি (ডিলিউএফপি) মায়ানমার থেকে বাংলাদেশে পালিয়ে আসা পাঁচ লাখ রোহিঙ্গা নাগরিককে খাদ্য সহায়তা দেবে। গতকাল (৩০ সেপ্টেম্বর শনিবার) রাজধানীর একটি হোটেলে দুর্যোগ ব্যবস্থাপনা ও আগমন্ত্রী মোফাজ্জল হোসেন চৌধুরী মায়ার সঙ্গে সাক্ষাৎকালে ডিলিউএফপি'র নির্বাহী পরিচালক ডেভিড বিসলে এ কথা জানান। ডিলিউএফপি শিশু ও গর্ভবতী মায়েদের আলাদা করে বিশেষ ধরনের পুষ্টিকর খাবার সরবরাহ করবে বলে তিনি অবহিত করেন। সূত্র-সংবাদ (পৃ.১,ক.৫), ইত্তেফাক (পৃ.৩,ক.১), ডেইলি স্টার (পৃ.১,ক.৫)।

৭। **৪৪ হাজার ৬৬১ শেডে ২ লাখ ৭০ হাজার রোহিঙ্গার আশ্রয় : প্রধানমন্ত্রীর কার্যালয়ে সমন্বয়সভা**

নির্যাতনের হাত থেকে রক্ষা ও প্রাণ বাঁচাতে মায়ানমার থেকে বাংলাদেশে আসা রোহিঙ্গাদের জন্য এ পর্যন্ত প্রায় ৪৪ হাজার ৬৬১টি অস্থায়ী শেড নির্মাণ করা হয়েছে। এসব শেডে এখন পর্যন্ত প্রায় ২ লাখ ৭০ হাজার রোহিঙ্গাকে আশ্রয় দেওয়া হয়েছে। গত ২৯ সেপ্টেম্বর শুক্রবার প্রধানমন্ত্রীর কার্যালয়ে এক সমন্বয়সভায় এ তথ্য জানানো হয়। সভায় সভাপতিত্ব করেন প্রধানমন্ত্রীর মুখ্য সচিব ড. কামাল আবদুল নাসের চৌধুরী। মায়ানমার থেকে আসা রোহিঙ্গাদের মানবিক সহায়তা প্রদান সংক্রান্ত এ সমন্বয়সভায় আরো জানানো হয়, ইউএনএইচসিআর ও আইওএম আরো ৪০ হাজার অস্থায়ী শেড নির্মাণ করে দেওয়ার আগ্রহ প্রকাশ করেছে। সূত্র-ইত্তেফাক (পৃ.১,ক.৮), যুগান্তর (পৃ.৩,ক.৮), ফিনানশিয়াল এক্সপ্রেস (পৃ.৩,ক.১)।

৮। **যুক্তরাষ্ট্র সফরের প্রধানমন্ত্রী ৭ অক্টোবর দেশে ফিরছেন : ওবায়দুল কাদের**

যুক্তরাষ্ট্র সফরের প্রধানমন্ত্রী শেখ হাসিনা আগামী ৭ অক্টোবর দেশে ফিরছেন বলে সড়ক পরিবহণ ও সেতুমন্ত্রী ওবায়দুল কাদের জানিয়েছেন। তিনি গতকাল (৩০ সেপ্টেম্বর শনিবার) সাংবাদিকদের এ কথা জানান। পিতৃখলীতে অঙ্গোপচারের পর প্রধানমন্ত্রী এখন যুক্তরাষ্ট্রের ভার্জিনিয়ায় ছেলে সজীব ওয়াজেদ জয়ের বাসায় রয়েছেন। সূত্র-জনকর্ত্তা (পৃ.১,ক.৫), যুগান্তর (শেষ পৃ.,ক.১), ডেইলি সান, ইভিপেনডেন্ট (পৃ.২,ক.১)।

৯। **তৈরিপোশাকের দাম বাড়াতে হবে : ক্রেতাদের উদ্দেশে বাণিজ্যমন্ত্রী**

বাণিজ্যমন্ত্রী তোফায়েল আহমেদ বলেছেন, বিপুল অর্থ বিনিয়োগ করে তৈরিপোশাক কারখানাগুলো নিরাপদ ও কর্মবান্ধব করা হয়েছে। শ্রমিকদের নিরাপত্তা, সুযোগ-সুবিধা ও উপযুক্ত বেতন নিশ্চিত করা হয়েছে। দেশে একের পর এক ফ্রিন ফ্যান্টেরি হচ্ছে। কিন্তু ক্রেতারা পণ্যের মূল্য বাড়াচ্ছেন না। তৈরিপোশাকের মূল্য বাড়াতে ক্রেতাদের যথাযথ উদ্যোগ গ্রহণ করা উচিত। বাণিজ্যমন্ত্রী গতকাল (৩০ সেপ্টেম্বর শনিবার) ঢাকার হোটেল রেডিসনে ইন্টারন্যাশনাল ফাইন্যান্স করপোরেশন (আইএফসি) আয়োজিত টুওয়ার্ডস সাসটেইনেবল টেক্সটাইল শীর্ষক অনুষ্ঠানে প্রধান অতিথির বক্তৃতায় এসব কথা বলেন। সূত্র-সমকাল (পৃ.৩,ক.৪)।

১০। আজ পবিত্র আশুরা

আজ ১০ মহররম, পবিত্র আশুরা। মুসলিম উন্মাহর কাছে এ দিনটি একইসঙ্গে ধর্মীয়ভাবে তাংপর্যময় ও বেদনাদায়ক। সত্য ও ন্যায় প্রতিষ্ঠার যুদ্ধে ৬১ হিজরি সনের এ দিনে মহানবী হজরত মুহাম্মদ (সা.)-এর প্রিয় দৌহিত্রি হজরত ইমাম হুসাইন (রা.) ফোরাত নদীতীরের কারবালা প্রান্তরে পরিবারের সদস্য ও সঙ্গীসহ শাহাদত বরণ করেন। আশুরা উপলক্ষে রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। রাষ্ট্রপতি বাণীতে বলেন, কারবালার শোকাবহ ঘটনার স্মৃতিতে ভাস্বর পবিত্র আশুরার শাশ্বত বাণী আমাদের অন্যায় ও অত্যাচারের বিরুদ্ধে সোচ্চার হতে উদ্বৃদ্ধ করে। প্রধানমন্ত্রী শেখ হাসিনা তাঁর বাণীতে সব অন্যায় ও অবিচারের বিরুদ্ধে রঞ্চে দাঁড়ানো এবং সত্য ও ন্যায় প্রতিষ্ঠায় আশুরার মহান শিক্ষার প্রতিফলন ঘটাতে সবার প্রতি আহ্বান জানান। সূত্র-সমকাল (পৃ.১,ক.৫), ইন্ডিফাক (পৃ.১,ক.৮), ডেইলি সান, ডেইলি স্টার (পৃ.১,ক.১)।

১১। বিশ্ব প্রবীণ দিবস আজ

আজ পহেলা অক্টোবর, বিশ্ব প্রবীণ দিবস। দিবসটির এবারের পতিপাদ্য ‘ভবিষ্যৎ অগ্রসরে : সমাজে প্রবীণদের দক্ষতা, অবদান এবং অংশগ্রহণ নিশ্চিত করুন’। দিবসটি উপলক্ষে সমাজকল্যাণ মন্ত্রণালয়াধীন সমাজসেবা অধিদফতর বিভিন্ন কর্মসূচি হাতে নিয়েছে। এ উপলক্ষে রাষ্ট্রপতি মো. আবদুল হামিদ এবং প্রধানমন্ত্রী শেখ হাসিনা পৃথক বাণী দিয়েছেন। সূত্র-সংবাদ (পৃ.১,ক.১), ইন্ডিফাক (শেষ পৃ.,ক.৮), ডেইলি স্টার (পৃ.৪,ক.৪), ইন্ডিপেন্ডেন্ট (পৃ.১৬,ক.২)।

সম্পাদকীয়

- ক. ইন্ডিফাক, প্রথম আলো : বৈশ্বিক ব্যবসা প্রতিযোগিতা সক্ষমতা সূচকে বাংলাদেশের ৭ ধাপ অগ্রগতির বিষয় তুলে ধরে এক্ষেত্রে ব্যবসায়ীরা যেসব বিষয়ে নেতৃত্বাচক মতামত ব্যক্ত করছেন তা গুরুত্বের সঙ্গে বিবেচনায় নিয়ে কার্যকর ব্যবস্থা গ্রহণের ওপর গুরুত্বারোপ।
- খ. সমকাল : প্রথম স্প্যান স্থাপনের মধ্য দিয়ে পদ্মা সেতু প্রকল্প দৃশ্যমান হওয়ায় এ পদ্মা সেতু যোগাযোগ, অর্থনীতি ও উন্নয়নের পথে মাইলফলক হয়ে থাকার পাশাপাশি আমাদের সামর্থ্যের উচ্চ মাপকাঠি হিসেবেও মাথা উঁচু করে থাকবে বলে প্রত্যাশা।
- গ. সংবাদ : ইউনিসেফ ও বিবিএসের জরিপের ফলাফলে ১ থেকে ১৪ বছর বয়সী ৮২ শতাংশ শিশু শারীরিক বা মানসিক নির্যাতনের শিকার হওয়ার পরিপ্রেক্ষিতে শিশু নির্যাতন বক্সে আইনের যথাযথ প্রয়োগ জরুরি বলে অভিযত।
- ঘ. ইন্ডিপেন্ডেন্ট, ডেইলি স্টার, ডেইলি সান : রোহিঙ্গা ইস্যুতে জাতিসংঘ নিরাপত্তা পরিষদের মিটিংয়ে সংকট সমাধানে সুনির্দিষ্ট কোনো নির্দেশনা স্থির না হওয়ায় বাংলাদেশকেই এ ব্যাপারে আন্তর্জাতিক সংস্থাগুলোর সমর্থন নিয়ে মায়ানমারকে অব্যাহতভাবে চাপে রাখার সুপারিশ করে সম্পাদকীয় প্রকাশ।

#

ফাহিমা/মরজিনা/তানিয়া/২০১৭/৯.০০ ঘণ্টা